



Barnehagebruksplan 2021-2024

ME LØFTER I LAG



Innhald

Samandrag	5
Nasjonal barnehagepolitikk	7
Full barnehagedekning.....	7
Maksimalpris	7
Nasjonal kontantstøtte.....	7
Bemanning- og pedagognorm.....	8
Likeverdig behandling	8
Kommuneplan 2014-2028	10
Plassar og dekningsgrad.....	12
Hå kommune samanlikna med andre kommunar	12
Barnehagebygg og uteområde.....	15
Barnehagen i nærmiljøet.....	15
Barnehagebygga	15
Arbeidsplass for tilsette	15
Barnetal	16
Historisk utvikling i folketalet i Hå	16
Endra utvikling i seinare tid	17
Kapasitet og prognosar	19
Utvikling i talet på barn i barnehage	19
Barnehageopptak og kapasitet.....	19
Dekningsgrad	20

Framskriving av folkemengd	21
Framskriving av folke- og barnetal	21
Vurdering av Hå kommune.....	24
Framskriving av barnetal	24
Situasjonen i Hå	24
Vurdering av Nærbø	26
Framskriving av barnetal	26
Situasjonen på Nærbø.....	27
Vurdering av Varhaug	29
Framskriving av barnetal	29
Situasjonen på Varhaug	30
Vurdering av Vigrestad og Stokkalandsmarka.....	32
Framskriving av barnetal	32
Vurdering av Brusand.....	35
Framskriving av barnetal	35
Vurdering av Vigrestad, Stokkalandsmarka og Brusand	35
Framskriving av barnetal	35
Vigrestad, Stokkalandsmarka og Brusand.....	37
Vurdering av Oгна og Sirevåg	38
Framskriving av barnetal	38
Situasjonen på Oгна og i Sirevåg	39

Forord

Barnehagebruksplanen er ein del av kommunen sitt styringssystem. Planen gjer grunnlag for prioriteringar i Økonomiplanen og er grunnlag for avgjerder vedkomande:

- Utbygging og lokalisering av barnehagar
- Utvikling av bygningane og uteområda til ei moderne og fleksibel barnehagedrift
- Vedlikehald
- Opptakskrinsar

Grunnlaget for Barnehagebruksplanen er henta frå:

- Nasjonal barnehagepolitikk
- Kommunal barnehagepolitikk
- Økonomiske rammevilkår
- Prognosar for utvikling i barnetal
- Registrering av status og behov for vedlikehald i dei kommunale barnehagebygga

Frå nasjonalt hald blir det satsa på kvalitet i barnehagedrifta til beste for barna.

Samfunnsmandatet til barnehagen er å gje barn under opplæringspliktig alder gode utvikling- og aktivitetsmoglegheiter. Barnehagen skal ta vare på barna og foreldra sine behov og gje rom for leik og læring, meistring og utfordringar. Dette gjer det naudsynt å leggja til rette for god strukturell kvalitet i alle barnehagar. Bygningane bør vera fleksible og kunna tilpassast når utviklinga fører med seg endringar i driftsformene i barnehagane.

Barnehagebruksplan 2021-2024 bygger på tidlegare barnehagebruksplanar, og har lagt SSB (Statistisk sentralbyrå) sitt hovudalternativ frå sommaren 2020 til grunn for utviklinga i barnetal. Det vil vera mindre behov for barnehageplassar i åra som kjem. I planforslaget er det vist tre framskrivingar. Dette for å vise fleire moglege utviklingsbanar og hjelpa med å finna løysningar som er robuste for ulike utviklingar.

Rådmannen føreslår at planen blir revidert anna kvart år og lagt fram saman med rådmannen sitt forslag til økonomiplan, same år som SSB reviderer sine folketalsframskrivingar. Planen er eit grunnlag for prioriteringar i økonomiplanen.

Samandrag

Framtidig behov for barnehageplassar

Dei siste åra har veksten i folketallet vore vesentleg lågare enn dei føregåande åra. Det er sannsynleg at framskrivingane ikkje fangar opp den faktiske utviklinga framover, og i så måte blir tala usikre. Uvissa aukar jo lengre fram i tid me ser, og dess mindre grupper me framskriv. Vår alternative framskriving og referansar frå tidlegare framskrivingar, illustrerer noko av denne uvissa ved å bruka andre føresetnader. Både barnehagebruksplanen og skulebruksplanen har lagt opp til å sjå på fleire ulike alternativ for å ha eit betre grunnlag for å dimensjonera bygga i dei ulike kretsane.

Bruken av kommunal kontantstøtte (for 2-åringar) har dei siste åra hatt ein liten og jamn nedgang og ein større reduksjon det siste året. Samstundes ser me at dekningsgraden for dei minste barna (1-3 år) er aukande. Ved barnehagestart 15.08.2020 var dekningsgraden på 66,6. Når vi reknar ut framtidig dekningsgrad for bruk av barnehage, ser det ut til å bli ei jamn auke i bruken av barnehageplassar for denne aldersgruppa kommande år. Dette nivået er lagt til grunn i planen.

Ei lovendring frå 01.08.18 førte til ei skjerpa pedagognorm. Det er eit lovkrav om 43 prosent med godkjent pedagogisk utdanning. I utrekninga av pedagognorma er det antal barn som teller. Med andre ord kan me ikkje slå saman to delte plassar og tella desse som ein heil plass. Dess fleire barn med delte barnehageplassar, jo fleire pedagogar er det behov for. Ordninga med delt kontantstøtte er med og utfordrar dette.

Rett til barnehageplass gjeld alle barn som fyller 1 år innan utgangen av november. Det er også innført nasjonale ordningar for reduksjon i foreldrebetalinga og gratis kjernetid i barnehagane. Dette gjeld for familiar med låg inntekt og som har barn på 2, 3, 4 og 5 år. Dette er moment som fører til auke i etterspurnad av barnehageplassar.

Framtidig behov for barnehageplassar vil vera avhengig av utviklinga i barnetal og kommunen sitt utbyggingsmønster. Endringar i nasjonale rammevilkår for barnehagedrifta og bruken av nasjonal og kommunal kontantstøtte vil og spela inn.

I forhold til gjeldande plan trekk dei nye prognosane for befolkninga ned behovet for nye barnehageplassar på kommunenivå. Framskrivningane av behovet for barnehageplassar viser nå at det samla sett er nok kapasitet i kommunen.



GOD
HELSE

3



11 BÆREKRAFTIGE
BYER OG SAMFUNN

Nasjonal barnehagepolitikk

Nasjonale og kommunale politiske styringssignal ligg til grunn for å innfri barnehageretten.

Full barnehagedekning

Regjeringa si målsetting er full barnehagedekning med høg kvalitet til låg pris. I barnehagelova § 8:

”Kommunen har plikt til å tilby plass i barnehage til barn under opplæringspliktig alder som er bosatt i kommunen, jf. § 12a. Utbyggingsmønster og driftsformer skal tilpasses lokale forhold og behov.”

”Barn som fyller ett år innan utgangen av november og som har søkt barnehageplass innan fristen, har rett på en plass.”

Maksimalpris

Regjeringa føreslår at makspris for full plass blir frå 1. januar 2021 sett til kr 3.230,- pr. måned i 11 månader. Det vert lagt til 10% på deltids plassar. Kostpengar kjem i tillegg. Forskrift til Lov om barnehagar fastset satsar for søskenmoderasjon på 30% for barn nr. 2 og 50% for barn nr. 3 og oppover.

Redusert betaling

Frå 1. januar 2021 føreslår regjeringa at husstandar med årleg inntekt under 592.167 kroner har rett til redusert foreldrebetaling.

Vidare vert det føreslått at alle 2, 3, 4, og 5 åringar og barn som har utsett skulestart, i familiar med samla brutto årsinntekt under 583.650 kroner kan søka om 20 timer gratis kjernetid i veka. Redusert betaling skal søkast om i den kommunen barnet er folkeregistrert.

Begge ordningane gjeld for private og kommunale barnehagar.

Nasjonal kontantstøtte

Det blir gitt kontantstøtte for barn mellom eitt og to år (frå fylte 13 til og med 23 månader).

Tabell 1. Satsar for kontantstøtte frå og med 1. august 2018.

Oppholdstid i barnehage (pr. uke)	Kontantstøtte i % av full sats	Kontantstøtte pr. barn
Ikke bruk av barnehageplass	100 prosent	7 500 kr
Til og med 8 timer	80	6 000 kr
Fra 9 til og med 16 timer	60	4 500 kr
Fra 17 til og med 24 timer	40	3 000 kr
Fra 25 til og med 32 timer	20	1 500 kr
33 timer eller meir	0	0

Bemanning- og pedagognorm

Bemanningsnorma set krav om minimum ein tilsett per 3 barn under tre år, og ein tilsett per 6 barn over tre år.

Pedagognorma inneber minst ein pedagog per 7 barn under tre år og minst ein pedagog per 14 barn over tre år.

Likeverdig behandling

Barnehagelova § 14:

«Kommunen skal sørge for at godkjente ikke kommunale barnehager i kommunen behandles likeverdig med kommunale barnehager ved tildeling av offentlige tilskudd til ordinær drift etter denne forskrifta. Kommunen skal dokumentere at tildelinga skjer i samsvar med denne forskrifta».

Hå kommune har 13 kommunale og tre private barnehagar, og har over tid ført ein politikk som har vektlagt å bygga kommunale barnehagar.

Finansieringa av dei private barnehagane tek utgangspunkt i rekneskapen til dei kommunale barnehagane to år før, og blir indeksregulert. Ut frå dette finn vi ut kor mykje ein gjennomsnittleg plass kostar i barnehagane i Hå. Det blir rekna ut to summar, ein for små barn og ein for store. I tillegg blir det gitt nasjonal sats på kapitaltilskot (for bygningsmassen ut frå byggjeår).

Hå kommune gjer i 2020 tilskot til 3 private barnehagar, Tryggheim (Nærbø), Skjeraberget (Nærbø) og Tjemslandshagen (Varhaug).



9 INNOVASJON OG
INFRASTRUKTUR



Kommuneplan 2014-2028

Kommuneplanen 2014-2028 legg til grunn følgjande *hovudmål* for barnehagane:

- I samarbeid med heimen vil kommunen arbeida aktivt med å gje barna ein god barndom.
- Alle barn i barnehagen i Hå opplever læring og meistring kvar dag.

Kommunen skal gje eit variert, aktivt og stimulerande tilbod som gjer rom for oppleving og utvikling i barnehage og fritid. Barna skal oppleva barnehagen som ein naturlig og spennande del av eit samla oppvekstmiljø, der læring og sosial utvikling står i fokus.

Kommuneplanen legg til grunn følgjande *delmål*:

- Barna skal i dei første leveåra få eit godt grunnlag for ei positiv utvikling.

Kommunen ønsker å oppnå nemnde hovudmål og delmål gjennom følgjande *strategiar*:

- Gje alle barn under opplæringspliktig alder som ønsker det barnehageplass i barnehagar av høg kvalitet.
- Gje barna i barnehagen ein trygg læringsarena med varierte opplevingar.
- Følgja særskilt opp barn med vedtak etter Barnehagelova § 19a.
- Prioritera språkopplæring for fleirspråklege barn.
- Arbeida aktivt for å skaffe nok kvalifisert personell i barnehagane.
- Samarbeidet mellom heim og barnehage støttar opp under læring og utvikling.

Det er eit mål at alle barn skal få tilbod om barnehageplass med høg kvalitet. Barnehagebruksplanen er eit verktøy for å sikra at det bygningsmessige kvalitetskravet blir teke vare på. Hovudmåla for barnehagar er nedfelt i kommuneplanen. Kvalitetsplan for barnehagen vart vedtatt i kommunestyret våren 2016, og revidert i 2018. Planen legg føringar for utvikling av kvalitet for innhaldet i barnehagane i Hå.

Kommunal kontantstøtte

Hå kommune har vedteke kommunal kontantstøtte for 2-åringar, med kr. 5000 per barn i månaden (2019-kroner). Dette gjeld dei som ikkje har barnehageplass. Barn som går tre dagar i barnehagen kan få redusert kontantstøtte på kr. 2000 per barn i månaden. Det er om lag halvparten av mottakarane som mottek redusert lokale kontantstøtte. Denne mottakargruppa kombinerer barnehagetilbod og kontantstøtte. Bruk av lokal kontantstøtte har det siste året hatt ein nedgang.

Ordninga med delt kontantstøtte fører til nokre utfordringar. Dette er mellom anna i utrekning av pedagognorm der det er antal barn som teller. Med andre ord kan vi ikkje slå saman to delte plassar for så å telja det som ein. Dess fleire barn med delte barnehageplasser, jo fleire pedagogar er det behov for. Inntil kommunen får full pedagogdekning fører delt kontantstøtte

til fleire dispensasjonar frå utdanningskravet. Deltidsplassane blir ein auka kostnad for kommunen.

Kommunale retningslinjer og vedtekter

Hå kommune har egne vedtekter som er godkjende i utval for opplæring og kultur. I vedtektene finn ein kommunale retningslinjer for barnehageplass. Målet er at alle søkjarar med rett til barnehageplass skal få tilbod i den kretsen dei bur, eventuelt i nabokretsen. Kommunale vedtekter blir årleg reviderte.

Budsjettering av barnehageplassar skjer årleg i september. Ressursane blir sett for inneverande barnehageår og det er ikkje rom for å auka talet på barnehageplassar. Ved ledig kapasitet i den ein skilde barnehage er det etter vedtektene supplerande opptak gjennom året. I praksis vil det seia at nokon må seia opp plassen for at barnehagen skal kunne gje eit nytt tilbod. Det er få oppseiingar i løpet av året, og av den grunn blir det ikkje innvilga nye tilbod om barnehageplass.

Parallelt med dette ser vi ei auke av barn frå Hå som går i private barnehagar i andre kommunar. Det medfører ei auke i refusjonar til nabokommunar. I refusjonar til andre kommunar er det nasjonale satsar som blir nytta. Denne satsen er høgare enn Hå kommune sin sats. I rådmannen sitt forslag til vedtekter, som skal reviderast ved årsskiftet, vil det bli føreslått at det blir mogleg å innvilga barnehagesøknadar som kjem i løpet av barnehageåret.

Plassar og dekningsgrad

Hå kommune samanlikna med andre kommunar

KOSTRA-tala for 2019 viser dette innan barnehagesektoren:

- Hå kommune ligg høgast av Jærkommunane (Time og Klepp) når det gjeld å ha den største prosentvise delen av innbyggjarane i alderen 1-5 år.
- Driftsutgifter per barn på 1-5 år brukt på barnehage er lågare i Hå enn i Klepp, Time og Rogaland. Det skuldast mellom anna at Hå har relativt færre barn i barnehage. Større bruk av deltids plassar i Hå kan gjera at driftsutgiftene er høgare enn dei elles ville vore. Dette er mellom anna på grunn av krav til pedagogar per barn.
- Dekningsgraden i Hå har dei siste åra gradvis auka. I 2019 var det prosentvis fleire 3-5 åringar i barnehage enn i Time. Når det gjeld barn i alderen 1-2 år ser me at også denne dekningsgraden aukar, men framleis er godt under Time og Klepp. Ein årsak til dette er tilbodet om kommunal kontantstøtte for 2-åringar.
- Hå ligg for første gang over nabokommunane og Rogaland når det gjeld kor mange fleispråklege barn som prosentvis går i barnehage.
- Det er framleis fleire som nyttar barnehage som eit deltidstilbod i Hå, samanlikna med Klepp, Time og Rogaland.
- Hå kommune ligg nå nært opp til Time og Klepp når det gjeld den prosentvise delen av styrarar og pedagogiske leiarar som har godkjent barnehagelærarutdanning. Dette har over år vore ei positiv og aukande trend i Hå og er for første gang over gjennomsnittet for Rogaland.

Tabell 2. KOSTRA-tala for 2019 viser dette innan barnehagesektoren

BARNEHAGE tal pr. 31.12	Hå		Klepp		Time		Rogaland	
	2018	2019	2018	2019	2018	2019	2018	2019
0-åringar	232	244	225	240	247	209	5 533	5 423
1-2 åringar	567	533	520	492	510	490	12 142	11 657
3-5 åringar	824	842	813	791	806	787	18 676	18 662
Totalbefolkning	18 814	18 991	19 354	19 588	18 795	18 916	475 654	479 892
Prosentvis andel av befolkninga 1-5 år	7,39 %	7,24 %	6,89 %	6,55 %	7,00 %	6,75 %	6,48 %	6,32 %
Netto driftsutgift pr innbyggjar	9 396	9 726	8 369	8 342	6 724	7 046	6 548	6 772
Netto driftsutgift pr barn 1-5 år brukt på bhg	128 534	135 929	142 146	153 058	145 074	153 400	152 779	161 356
Dekningsgrad 1-5 år	83,9 %	85,2 %	92,0 %	93,5 %	89,7 %	89,3 %	90,0 %	90,6 %
Dekningsgrad 1-2 år	65,1 %	66,6 %	81,3 %	83,3 %	81,6 %	80,0 %	79,7 %	81,4 %
Dekningsgrad 3-5 år	96,8 %	96,9 %	98,9 %	99,7 %	94,9 %	95,0 %	96,6 %	96,4 %
Talet på barn i kom. bhg i forhold til allei bhg. i %	82,5 %	82,8 %	65,6 %	64,7 %	53,0 %	53,0 %	51,1 %	50,8 %
Talet på minioritets. b.i bhg i forhold til innv.1-5år i %	78,8 %	83,4 %	78,1 %	82,7 %	76,8 %	71,2 %	78,0 %	79,6 %
Talet på minioritets. b. i bhg i forhold til alle m. bhg-pl. i %	16,3 %	17,2 %	16,3 %	15,9 %	12,0 %	11,5 %	17,5 %	18,5 %
Korr. brutto driftsutg til kom bhg pr korr opphaldst.	67,3	70,9	71	74,5	69,5	75,7	76,8	81,3
Korrigererte oppht. pr årsverk i komm. bhg	12 904	12 728	12 707	12 668	12 950	12 729	12 697	12 459
Talet på b. brhg m opphaldstid 41t el meir i kom. bhg i %	59,2 %	59,4 %	55,2 %	55,2 %	44,1 %	44,5 %	43,3 %	43,7 %
Talet på tilsette med barnehagelærarutdanning i %	33,2 %	40,4 %	40,4 %	43,1 %	40,0 %	41,3 %	36,8 %	38,0 %



4

GOD

UTDANNING



Barnehagebygg og uteområde

Hå kommune ønsker funksjonelle barnehagebygg som innbyr til leik, læring og opplevingar. Både inne- og utemiljøet er ein viktig del av kvaliteten på barnehagetilbodet. Med tanke på tidleg innsats skal det fysiske miljøet gje utfordringar, vera tilpassa det einskilde barnet (universelt utforma), og verna barnet mot fysiske og psykiske skader. Barnehagen skal vera med å styrka barna si læring og deltaking i fellesskap med jamnaldrande.

Barnehagen i nærmiljøet

Det blir tilrettelagt for at nye bygg og rehabilitering av barnehagar skal ha positiv innverknad på nærmiljøet. Både ute- og innemiljøet må vera utforma slik at det inviterer til fleirbruk.

Barnehagebygga

Hå kommune har ansvar for at det vert etablert barnehagar som oppfyller krava i regelverket og som sikrar barna eit likeverdig pedagogisk tilbod. Barnehagen skal vera godkjent og gje barn moglegheiter for leik, livsutfolding og meningsfylte opplevingar i trygge og utfordrande miljø.

Det er fleire og varierte krav til barnehagen sine lokale, uteområde og inventar. Den må vera utforma slik at det blir tatt omsyn til små og store barn sine behov for fysiske utfordringar, tilpassa aldersgrupper, modning og funksjonsnivå. Barnehagen må ha små rom slik at det er mogleg med tilrettelagde opplegg og aktivitetar med barn i mindre grupper.

Arbeidsplass for tilsette

Det er behov for arbeidsrom og arbeidsplassar for pedagogar og anna personale i barnehagen. Det er framleis skilnad på korleis dei tilsette sine arbeidsforhold er i dei etablerte barnehagane. Med ei ny pedagognorm, krav om samarbeid og sentral satsing på kvalifisert personale i barnehagen er det naudsynt at arbeidsforholda ligg til rette for dette.

Tabell 3. Økonomiplanen 2021 - 2024

	2020	2021	2022	2023	2024
Barnehage Brusand		4 000	20 000	20 000	
Rehabilitering/opprusting barnehage	1 000	1 000	1 000	1 000	1 000
Uteområde barnehage	1 000	1 000	1 000	1 000	1 000
Sum barnehagar	2 000	6 000	22 000	22 000	2 000


Barnetal

Historisk utvikling i folketalet i Hå

Utviklinga i folketalet i Hå vil vera avhengig av kor mange som blir fødde, kor mange som dør og kor mange som flyttar til og frå kommunen. Utviklinga i talet på barn i barnehagealder heng tett saman med utviklinga i folketalet. Det er talet på barnehagebarn som styrer kvar og kor store barnehagar det er behov for. Det er naturleg å sjå krinsvis på utviklinga i tala på barnehagebarn opp mot kapasiteten i barnehagane.

Figur 1 nedanfor viser utviklinga i folketalet i Hå i perioden 1964-2015. Det er store svingingar i veksten frå år til år og i nokre år er det og registrert negativ vekst. Dette kan i hovudsak knytast til utviklinga ved Nærlandheimen rundt 1970 og i starten på 1990-talet. I 1970-åra var det år med høg vekst på grunn av stor bustadbygging og tilflytting, noko ein òg ser i åra omkring 2008-2013. I denne siste perioden er ikkje minst arbeidstilflytting ei hovudårsak til den sterke veksten, grunna høg oljepris og tilhøyrande stor vekst i oljenæringa, både nasjonalt, men særleg i Rogaland og dei andre Vestlandsfylka.

Figur 1. Folketalsutvikling, folkemengd 1. januar 1964-2020




Endra utvikling i seinare tid

Finanskrisa i 2007/08 førte med seg redusert vekst i internasjonal økonomi. Veksten for Norge tok seg likevel raskt opp, og det blei høg vekst i hovudsak på grunn av god prisutvikling i råvarer som Norge eksporterer, særleg olje, og fallande prisar på import. Frå 2014 av har oljeprisen felle mykje, og saman med relativt svak vekst i internasjonal økonomi har dette ført til mindre aktivitet, særleg i oljenæringa i Rogaland. Dette gjer seg mellom anna utslag i mindre arbeidsrelatert tilflytting til Norge. Det er mange arbeidsinnvandrarar som nå flyttar tilbake til heimlanda sine. Sjølv om det har vore aukande tilflytting av flyktningar, er den samla veksten i innvandringa til Norge nå mindre enn før. Fødselsoverskotet held seg høgt.

Hå kommune hadde sterk vekst i perioden frå 2008 til 2014. Det var ei vekst mykje på grunn av oppgangen i oljenæringa, men òg på grunn av arbeidsinnvandring til jordbruksnæringa. Det var netto innflytting til Hå både frå andre delar av Norge og ikkje minst frå utlandet. Sjølv om det blei oppretta nye arbeidsplassar i Hå, kom det òg mange tilflyttarar til kommunen som pendla ut av kommunen til arbeidsstaden.

Figur 2. Fødselsoverskot, nettoinnflytting og folkevekst 2000-2019






Kapasitet og prognosar

Utvikling i talet på barn i barnehage

Tal frå SSB viser at 8 av 10 barn i Hå går i barnehage, oftast på fulltid.

Figur 3. Talet på barn 1-5 år med barnehageplass i Hå kommune



Talet på barn i barnehage har auka sterkt dei siste åra. Eksempelvis viser SSB sin barnehagestatistikk at berre 53 prosent av barn i alderen 1-5 år i Hå gjekk i barnehage i 2002, mot 85,2 prosent i 2020 (sjå figur 1). Blant barn i alderen 3-5 år går nå nesten alle i barnehage, 96,9 prosent i 2020. Blant 1 og 2-åringar har vi sett ei auke i barnehagedeltakinga.

Innføring av lokal kontantstøtte for 2-åringar i 2012, då den statlege støtta til 2-åringar fall bort, førte til ein nedgang i etterspurnaden etter barnehageplass for 1 og 2-åringar. Bruk av lokal kontantstøtte har over år vore stabil, men er noko redusert det siste året. Parallelt ser vi ein liten, men jamn auke i dekningsgrad for 1 og 2-åringar.

Barnehageopptak og kapasitet

Tabellen under viser samla barnehagekapasitet for kretsane kvar for seg, og for Hå kommune samla. Kapasiteten er berekna ut frå godkjende leike- og opphaldsareal.

Kolonnane 15.12.2019 og 15.08. 2020 viser barn i både kommunale og private barnehagar, og differansen mellom tilgjengeleg kapasitet og faktisk tal på barn i barnehagane.

Tabell 4. Barnehagekapasitet 2019 – 2020

	Kapasitet	15.12.2019	differanse	15.08.2020	differanse
Nærbø	531	576	-45	558	-27
Varhaug	292	268	24	259	33
Vigrestad/Stokkalandsmarka	232	224	8	220	12
Brusand	36	39	-3	40	-4
Ogna/Sirevåg	78	67	11	65	13
Totalt Hå kommune	1 169	1 174	-5	1 142	27

Tabellen viser ein overkapasitet for kommunen på 27 barnehageplassar per 15. august 2020, mens det er 27 barnehageplassar for lite på Nærbø og 4 for lite på Brusand. Kapasitetstalet er basert på faktisk kapasitet som er utrekna på bakgrunn av godkjent leike- og opphaldsareal i kvar einskild barnehage, og tek ikkje høgde for deltidspromblematikken.

Dekningsgrad

Dersom ein legg til grunn opptakstala frå 15. august 2020 (338 1 og 2-åringar og 808 3 til 5-åringar) med folketal for 1. januar 2020 (533 1 og 2-åringar og 842 3 til 5-åringar) ville dekningsgraden vore på 63,4 prosent for 1 og 2-åringane og 96 prosent for 3 til 5-åringane.

Tabell 5. Barnehageopptak, folkemengd og dekningsgrad i Hå kommune

	Barnehageopptak 15.08.2020	Folkemengd 01.01.2020	Dekningsgrad 01.01.2020
1-2 år	338	533	63,4
3-5 år	808	842	96,0
1-5 år	1146	1375	83,3

Dette gjer ei auke i dekningsgraden for 1 og 2-åringar. Årsaka er dels at også barn som fyller 1 år innan utgangen av november har lovfesta krav på barnehageplass i opptaket til 15. august.

Tabell 6. Dekningsgrad – Økonomiplan 2021 – 2024

01.jan	Faktisk		Prognose		
	2020	2021	2022	2023	2024
Dekningsgrad 1-2 år	66,6 %	69 %	70 %	71 %	73 %
Dekningsgrad 3-5 år	96,9 %	97 %	97 %	97 %	97 %

Dekningsgraden i tabell 6 er lagt til grunn for dei komande framskrivingane av barnehagebehov.


Framskriving av folkemengd

Framskriving av folke- og barnetal

Når me skal framskriva utviklinga i folke- og barnetal, bruker me ein modell for framskriving. Til framskrivingane treng me ulike føresetnader om fire demografiske komponentar: Framtidig fruktbarheit, dødelegheit, innanlandske flyttingar og inn- og utvandring. Kommunen bruker Statistisk sentralbyrå (SSB) sine framskrivingar for heile kommunen og KOMPAS-modellen for å fordela folke- og barnetal på dei ulike kretsane.

Veksten i folketalet har vore høg sidan 2008, men veksten har i dei siste åra vore vesentleg lågare enn dei føregåande. Det er sannsynleg at framskrivingane ikkje heilt og fullt fangar den faktiske utviklinga framover, og i så måte er tala usikre. Usikkerheita aukar jo lengre fram i tid me ser, og jo mindre grupper me framskriv. Likevel er det fleire sikre element i befolkningsutviklinga. Dei fleste av oss vil vera eitt år eldre og bu same stad neste år. På grunn av COVID-19-pandemien har det imidlertid vore utfordrande for SSB å laga forutsetningar og for nær framtid. Me må hugsa på dette når me ser på 2020-framskrivingane, både på kort og lang sikt. Noko av usikkerheita er her illustrert ved referanse til tidlegare framskrivingar, der me nyttar andre føresetnader. Både barnehagebruksplanen og skulebruksplanen har lagt opp til å sjå på tidlegare framskrivingar for å ha eit betre grunnlag for å dimensjonera bygga i dei ulike kretsane.

Figur 4. Framskriving av folkemengd i Hå per 31. desember, MMMM 2012-2020



Målstyrt hovudalternativ (MMMM)

Kommuneplanen 2014-2028 legg opp til ei befolkningsutvikling som tar utgangspunkt i SSB sitt hovudalternativ (MMMM) for framskriving av folkemengd på kommunenivå.

Hovudalternativet, kalla MMMM, legg til grunn middels fruktbarheit, middels levealder, middels innanlandsk mobilitet og middels innvandring.

SSB oppdaterer og omstrukturerer sine framskrivingar anna kvart år. Hovudalternativet (MMMM) som ligg til grunn for kommuneplanen er SSB-framskrivinga frå 2012. Etter dette har det komme nye framskrivingar anna kvart år, og nå sist sommaren 2020. I alle framskrivingane har SSB lagt til grunn mindre befolkningsvekst, jf. figur 3. Framskriving av folkemengd i Hå kommune per 31. desember (MMMM 2012-2020).

Framskrivinga viser nå at folketalet aukar frå 18991 1. januar 2020 til 19722 31. desember 2028. Det utgjer ein folkevekst på 781 innbyggjarar. Folkeveksten utgjer ei gjennomsnittleg vekst på om lag 0,4 prosent, eller 81 personar i året. Framskrivinga bygger på ein føresetnad om at folkeveksten blir geografisk fordelt ut frå eit bustadbyggingsprogram på 120 bustader i året, jf. KPU 009/20.

Figur 5. Befolkningsframskriving i Hå kommune



¹ Folkemengd og befolkningsendringar etter alder 1. januar, Kjelde: SSB.

² Folkemengd 1-5 år er framskrivne ved hjelp av KOMPAS. Framskrivingane av folkemengd for aldersgruppa 1-5 år er vist i 3 ulike alternativ. Det første alternativet er framskrivinga frå barnehagebruksplan 2017-2020. Det vart i barnehagebruksplan 2017-2020 valt å målstyra utviklinga i folketal på kommunenivå slik at det stemmer med mellomalternativet (MMMM) i SSB sine framskrivingar frå juni 2016. Det vart i barnehagebruksplan 2019-2022 valt å målstyra utviklinga i folketal på kommunenivå slik at det stemmer med mellomalternativet (MMMM) i SSB sine framskrivingar frå juni 2018. Det er i føreliggande barnehagebruksplan 2021-2024 valt å målstyra utviklinga i folketal på kommunenivå slik at det stemmer med mellomalternativet (MMMM) i SSB sine framskrivingar frå juni 2020, jf. KPU sak 009/20 «Kommuneplan – bustadbyggingsprogram og føresetnader for kommande planarbeid».



17

SAMARBEID

FOR Å NÅ MÅLENE



Vurdering av Hå kommune

Framskriving av barnetal

Tabell 7. Framskriving av barnetal i Hå kommune (MMMM 2020)


01.jan	2020	2021	2022	2023	2024	2025	2026	2027	2028	2029
1-2 år	483	488	484	475	469	465	463	462	462	463
3-5 år	838	803	773	731	734	730	722	716	712	710
Totalsum	1 321	1 291	1 257	1 206	1 203	1 195	1 185	1 178	1 174	1 173

Figur 6 viser framskriving av faktisk barnetal, estimert barnetal basert på dekningsgrad i Økonomiplan 2021-2023, jf. tabell 6, samt samla barnehagekapasitet kompensert med 5 prosent ettersom om lag 20 prosent ikkje etterspør heiltidsplass.

Situasjonen i Hå

Figur 6 viser at kommunen samla sett har nok barnehageplassar fram til 2029, ut frå alternativet MMMM 2020 og gitt dekningsgraden i tabell 6. Sjølv om det er nok plassar på kommunenivå kan nokre krinsar ha overkapasitet mens andre har underkapasitet. Kapasitet og barnetal blir i det følgjande vurderte for kvar krets separat.

Figur 6. Befolkningsframskriving, behov og barnehagedekning i Hå kommune




¹ Folkemengd og befolkningsendringar etter alder 1. januar, Kjelde: SSB.

² Folkemengd 1-5 år er framskrivne ved hjelp av KOMPAS. Framskrivningane av folkemengd for aldersgruppa 1-5 år er vist i 3 ulike alternativ. Det første alternativet er framskrivinga frå barnehagebruksplan 2017-2020. Det vart i barnehagebruksplan 2017-2020 valt å målstyra utviklinga i folketal på kommunenivå slik at det stemmer med mellomalternativet (MMMM) i SSB sine framskrivingar frå juni 2016. Det vart i barnehagebruksplan 2019-2022 valt å målstyra utviklinga i folketal på kommunenivå slik at det stemmer med mellomalternativet (MMMM) i SSB sine framskrivingar frå juni 2018. Det er i føreliggande barnehagebruksplan 2021-2024 valt å målstyra utviklinga i folketal på kommunenivå slik at det stemmer med mellomalternativet (MMMM) i SSB sine framskrivingar frå juni 2020, jf. KPU sak 009/20 «Kommuneplan – boligprogram og forutsentinger for kommende planarbeid».

³ Behov for barnehage viser summen av talet på barn 1-2 år med barnehageplass i forhold til innbyggjarar 1-2 år og talet på barn 3-5 år med barnehageplass i forhold til innbyggjarar 3-5 år etter alder 1. januar, Kjelde: SSB, Kostra.

⁴ Behov for barnehage viser summen av estimert tal på barn 1-2 år med barnehageplass i forhold til innbyggjarar 1-2 år og estimert tal på barn 3-5 år med barnehageplass i forhold til innbyggjarar 3-5 år etter alder basert på framskriven folkemengd 1. januar. 1-5 åringar er framskrivne ved hjelp av KOMPAS. Framskrivning av folkemengd er vist i dei 3 alternativa nemnde i note 2 og omtala i teksten generelt. Estimert dekningsgrad for 1-2 år og 3-5 år i planperioden er vist i tabell nr. 6

⁵ Barnehagekapasitet er basert på faktisk kapasitet som er utrekna på bakgrunn av godkjent leike- og opphaldsareal i kvar einiskild barnehage. Barnehagekapasiteten er kompensert med 5 prosent ettersom om lag 20 prosent ikkje etterspør heiltids plass. 2020: 1169 barnehageplassar pluss 5% (58 plassar) gjer 1227 plassar.



Vurdering av Nærbø

Framskriving av barnetal


Tabellen under viser framskriving av barnetala for Nærbø i aldersgruppene 1-2 år, 3-5 år og 1-5 år. Talet på barn blir redusert frå 658 pr. 1. januar 2020, til 569 pr. 1. januar 2025.

Tabell 8. Framskriving av barnetal på Nærbø (MMMM 2020)

01.jan	2020	2021	2022	2023	2024	2025	2026	2027	2028	2029
1-2 år	258	238	233	229	224	221	219	217	217	216
3-5 år	400	395	383	369	351	348	345	340	337	335
Totalsum	658	633	616	598	575	569	564	558	554	551

Figuren under viser at det samla er ein kapasitet på 531 barnehageplassar på Nærbø (397 kommunale og 134 private) eller 558 plassar kompenserte med 5 prosent ettersom om lag 20 prosent ikkje etterspør heiltidsplass. Framskrivinga av barnetal (MMMM 2020) viser at talet på barn som skal ha barnehageplass, basert på dekningsgraden i tabell 6, går ned frå 559 per 1. januar 2020 til 499 per 1. januar 2025.

Figur 7. Barnehagedekning Nærbø



¹ Behov for barnehage viser summen av talet på barn 1-2 år med barnehageplass i forhold til innbyggjar 1-2 år og talet på barn 3-5 år med barnehageplass i forhold til innbyggjar 3-5 år etter alder 1. januar, Kilde: SSB, Kostra

² Behov for barnehage viser summen av estimert tal på barn 1-2 år med barnehageplass i forhold til innbyggjar 1-2 år og estimert tal på barn 3-5 år med barnehageplass i forhold til innbyggjar 3-5 år etter alder basert på framskriven folkemengd 1. januar. 1-5 åringar er framskrivne ved hjelp av KOMPAS. Framskrivning av folkemengd vist i dei 3 alternativa; BP 2017-2020, MMM 2018 og Redusert bustadbygging. Estimert dekningsgrad for 1-2 år og 3-5 år i planperioden er vist i tabell nr. 6

³ Barnehagekapasitet er basert på faktisk kapasitet som er utrekna på bakgrunn av godkjent leike- og opphaldsareal i kvar einiskild barnehage. Barnehagekapasiteten er kompensert med 5 prosent ettersom om lag 20 prosent ikkje etterspør heiltidsplass. 2020:531 barnehageplassar pluss 5% (27 plassar) gjer 558 plassar for Nærbø.

Situasjonen på Nærbø

Etter nedlegginga av Urhei barnehage er det nok kapasitet til å dekkja behovet i inneverande barnehageår. Me ser at det vil vera god nok kapasitet i åra som kjem. Det er dei siste åra brukt midlar på å gjere naudsynte investeringar i fleire av dei eldste barnehagebygga på Nærbø. Det er regulert tomt til offentlig formål (barnehage) ved Bø skule. Her er det plass til ein barnehage med kapasitet til vel 150 barn. Hit kan ein i framtida vurdera ny barnehagekapasitet som erstatning for eldre barnehagar. Viss me skal bygga ny barnehage på tomta ved Bø skule vil dette i tilfelle vera på grunn av dårleg kvalitet på dei eldste bygga.


Eit døme på kvalitet er Vestkroken 18 som høyrer til under Breidablikk barnehage. Dette er ein tidlegare lærarbustad frå 1963 som i 1997 blei bruksendra til bustad i 2. etasje og open barnehage i 1. etasje. Vestkroken 18 blir i dag nytta som barnehage for den minste aldersgruppa på 1-2 år. Bygget er i dårleg forfatning, ikkje utforma i forhold til regelverk for barnehage, og har behov for rehabilitering. Dei nyaste tala synar nedgang for aldersgruppa, noko som på sikt kan gjera dette bygget overflødig. Rådmannen tilrår å overvaka utviklinga. Eit påbygg til Breidablikk kan vera ein betre løysing enn ei oppgradering av Vestkroken 18.

Det vil framleis vera behov for mindre oppgraderingar knytt til barnehagebygga på Nærbø.



9

INNOVASJON OG
INFRASTRUKTUR



9


INNOVASJON OG
INFRASTRUKTUR



6

6 INNOVASJON OG
INFRASTRUKTUR





Vurdering av Varhaug

Framskrivning av barnetal


Tabellen under viser framskrivning av barnetala for Varhaug i aldersgruppene 1-2 år, 3-5 år og 1-5 år. Talet på barn blir redusert frå 317 per 1 januar 2020, til 266 per 1. januar 2025.

Tabell 9. Framskrivning av barnetal på Varhaug (MMMM 2020)

01.jan	2020	2021	2022	2023	2024	2025	2026	2027	2028	2029
1-2 år	115	94	104	107	104	102	101	99	99	98
3-5 år	202	203	178	170	158	163	164	161	159	157
Totalsum	317	297	282	277	262	266	265	261	258	256

Figuren under viser at det samla er ein kapasitet på 292 barnehageplassar på Varhaug (233 kommunale og 59 private) eller 323 plassar kompenserte med 5 prosent ettersom om lag 20 prosent ikkje etterspør heiltidsplass. Framskrivinga av barnetal (MMMM 2020) viser at talet på barn som skal ha barnehageplass, basert på dekningsgraden i tabell 6, faller frå 272 per 1. januar 2020 til 233 per 1. januar 2025.

Figur 8. Barnehagedekning Varhaug



¹ Behov for barnehage viser summen av talet på barn 1-2 år med barnehageplass i forhold til innbygger 1-2 år og talet på barn 3-5 år med barnehageplass i forhold til innbygger 3-5 år etter alder 1. januar. Kjelde: SSB, Kostra

² Behov for barnehage viser summen av estimert tal på barn 1-2 år med barnehageplass i forhold til innbygger 1-2 år og estimert tal på barn 3-5 år med barnehageplass i forhold til innbygger 3-5 år etter alder basert på framskreven folkemengd 1. januar. 1-5 åringar er framskrivne ved hjelp av KOMPAS. Framskriving av folkemengd vist i dei 3 alternativa; BP 2017-2020, MMMM 2018 og Redusert bustadbygging. Estimert dekningsgrad for 1-2 år og 3-5 år i planperioden er vist i tabell nr. 6

³ Barnehagekapasitet er basert på faktisk kapasitet som er utrekna på bakgrunn av godkjent leike- og opphaldsareal i kvar einskild barnehage. Barnehagekapasiteten er kompensert med 5 prosent ettersom om lag 20 prosent ikkje etterspør heiltidsplass. 2020: 298 barnehageplassar pluss 5% (15 plassar) gjer 313 plassar på Varhaug.

Situasjonen på Varhaug


Det er nok kapasitet på Varhaug. Framskrivingar av barnetalet i Varhaug krets indikerer at det framleis ikkje vil vera behov for å bygga ny barnehage i denne planperioden ut frå kapasitetsomsyn.

Trekløveren barnehage (Skulegata) har etter dagens standard lite funksjonelle leike- og opphaldsareal. Av den grunn er det inne om lag 15 færre barn enn det godkjende leike- og opphaldsarealet i barnehagen formelt gjer grunnlag for. Halvparten av barna i Trekløveren barnehage har opphald i modulbygg (Pilevegen).

Det er ikkje lenger barnehagedrift i våningshuset i Lensmannsgarden barnehage. Det er ønskeleg å flytta open barnehage frå misjonshuset der kommunen har leigeavtale, til våningshuset i Lensmannsgarden barnehage. Det vil då vera enklare å samla arbeidet med den ordinære barnehagedrifta og open barnehage. Våningshuset har behov for oppgradering for å få til ei forsvarleg drift. Det er gjort mykje med bygget den seinare tid, spesielt utvendig med nytt tak og kledning, men innvendig står det att mykje arbeid. Open barnehage og Vennelaget ser for seg å sambruka huset i framtida.

Trekløveren barnehage i Skulegata har dei siste åra fått naudsynte oppgraderingar med nytt tak, takrenner og takvindauge. Tilstandsanalyse for dei kommunale barnehagane på Varhaug viser at det framleis er behov for byggtkniske oppgraderingar på nokon av dei. I tillegg er det behov for å heva standard på kvalitet og funksjonalitet i enkelte bygg.

Ut frå dette kunne det vore ønskeleg å bygga ny barnehage på Varhaug for å få høgare standard. Slik rammevilkåra for kommunen sin økonomi er, har rådmannen ikkje funne plass til bygging i denne økonomiplanperioden. Rådmannen vil av same grunn heller ikkje tilrå at det blir sett av midlar til våningshuset i Lensmannsgarden. Rådmannen rår vidare til at situasjonen blir vurdert på ny ved neste planrevisjon.



Vurdering av Vigrestad og Stokkalandsmarka

Framskriving av barnetal


Tabellen under viser framskriving av barnetala for Vigrestad og Stokkalandsmarka i aldersgruppene 1-2 år, 3-5 år og 1-5 år. Talet på barn minkar frå 277 per 1. januar 2020, til 273 per 1. januar 2025.

Tabell 10. Framskriving av barnetal på Vigrestad og Stokkalandsmarka (MMMM 2020)

01.jan	2020	2021	2022	2023	2024	2025	2026	2027	2028	2029
1-2 år	113	108	109	108	109	109	110	110	111	112
3-5 år	164	170	175	169	162	164	165	165	166	167
Totalsum	277	278	284	277	271	273	275	276	277	279

Figuren under viser at det samla er ein kapasitet på 232 barnehageplassar på Vigrestad og Stokkalandsmarka (berre kommunale) eller 244 plassar kompenserte med 5 prosent, ettersom om lag 20 prosent ikkje etterspør heiltidsplass, mens framskrivinga av barnetal (MMMM 2020) viser at talet på barn som skal ha barnehageplass, basert på dekningsgraden i tabell 5, aukar frå 234 per 1. januar 2020 til 339 per 1. januar 2025.

Figur 9. Barnehagedekning Vigrestad og Stokkalandsmarka



¹ Behov for barnehage viser summen av talet på barn 1-2 år med barnehageplass i forhold til innbygger 1-2 år og talet på barn 3-5 år med barnehageplass i forhold til innbygger 3-5 år etter alder 1. januar, Kjelde: SSB, Kostra.

² Behov for barnehage viser summen av estimert tal på barn 1-2 år med barnehageplass i forhold til innbygger 1-2 år og estimert tal på barn 3-5 år med barnehageplass i forhold til innbygger 3-5 år etter alder basert på framskriven folkemengd 1. januar. 1-5 åringar er framskrivne ved hjelp av KOMPAS. Framskrivning av folkemengd vist i dei 3 alternativa; BP 2017-2020, MMMM 2018 og Redusert bustadbygging. Estimert dekningsgrad for 1-2 år og 3-5 år i planperioden er vist i tabell nr.6

³ Barnehagekapasitet er basert på faktisk kapasitet som er utrekna på bakgrunn av godkjent leike- og opphaldsareal i kvar einskild barnehage. Barnehagekapasiteten er kompensert med 5 prosent ettersom om lag 20 prosent ikkje etterspør heiltidsplass. 2020: 232 barnehageplassar pluss 5% (12 plassar) gjer 244 barnehageplassar for Vigrestad/Stokkalandsmarka.



3 GOD
HELSE





Vurdering av Brusand

Framskriving av barnetal

Tabellen under viser framskriving av barnetala for Brusand i aldersgruppene 1-2 år, 3-5 år og 1-5 år. Talet på barn går ned frå 33 1. januar 2020, til 25 1. januar 2025.

Tabell 11. Framskriving av barnetal på Brusand (MMMM 2020)

01.jan	2020	2021	2022	2023	2024	2025	2026	2027	2028	2029
1-2 år	13	12	11	11	10	10	9	9	9	9
3-5 år	20	20	17	17	16	15	15	14	14	13
Totalsum	33	32	29	28	26	25	24	23	22	22

Figuren under viser at det samla er ein kapasitet på 38 barnehageplassar på Brusand (berre kommunale) eller 40 plassar kompensert med 5 prosent ettersom om lag 20 prosent ikkje etterspør heiltidsplass, mens framskrivinga av barnetal (MMMM 2020) viser at talet på barn som skal ha barnehageplass, basert på dekningsgraden i tabell 6, går ned frå 28 per 1. januar 2020 til 22 per 1. januar 2025.

Vurdering av Vigrestad, Stokkalandsmarka og Brusand

Framskriving av barnetal


Tabellen under viser framskriving av barnetala for Vigrestad, Stokkalandsmarka og Brusand i aldersgruppene 1-2 år, 3-5 år og 1-5 år. Talet på barn blir auka frå 310 per 1 januar 2020, til 298 per 1. januar 2025.

Tabell 12. Framskriving av barnetal på Vigrestad, Stokkalandsmarka og Brusand (MMMM 2020)

01.jan	01.jan	2020	2021	2022	2023	2024	2025	2026	2027	2028	2029
1-2 år	1-2 år	126	120	120	119	119	119	119	119	120	121
3-5 år	3-5 år	184	190	192	186	178	180	180	179	180	180
Totalsum	Totalsum	310	310	313	305	297	298	299	299	300	301

Figuren under viser at det samla er ein kapasitet på 268 barnehageplassar på Vigrestad og Stokkalandsmarka (berre kommunale) eller 281 plassar kompenserte med 5 prosent, ettersom om lag 20 prosent ikkje etterspør heiltidsplass, mens framskrivinga av barnetal (MMMM 2020) viser at talet på barn som skal ha barnehageplass, basert på dekningsgraden i tabell 6, minkar frå 262 per 1. januar 2020 til 261 per 1. januar 2025.

Figur 10. Barnehagedekning Brusand




¹ Behov for barnehage viser summen av talet på barn 1-2 år med barnehageplass i forhold til innbyggjar 1-2 år og talet på barn 3-5 år med barnehageplass i forhold til innbyggjar 3-5 år etter alder 1. januar. Kjelde: SSB, Kostra

² Behov for barnehage viser summen av estimert tal på barn 1-2 år med barnehageplass i forhold til innbyggjar 1-2 år og estimert tal på barn 3-5 år med barnehageplass i forhold til innbyggjar 3-5 år etter alder basert på framskriven folkemengd 1. januar. 1-5 åringer er framskrivne ved hjelp av KOMPAS. Framskriving av folkemengd vist i dei 3 alternativa; BP 2017-2020, MMMM 2018 og Redusert bustadbygging. Estimert dekningsgrad for 1-2 år og 3-5 år i planperioden er vist i tabell nr. 6.

³ Barnehagekapasitet er basert på faktisk kapasitet som er utrekna på bakgrunn av godkjent leike- og opphaldsareal i kvar einiskild barnehage. Barnehagekapasiteten er kompensert med 5 prosent ettersom om lag 20 prosent ikkje etterspør heiltidsplass. 20: 36 barnehageplassar pluss 5% (2 plassar) gjer 38 plassar.

Figur 11. Barnehagedekning Vigrestad, Stokkalandsmarka og Brusand



¹ Behov for barnehage viser summen av talet på barn 1-2 år med barnehageplass i forhold til innbyggjar 1-2 år og talet på barn 3-5 år med barnehageplass i forhold til innbyggjar 3-5 år etter alder 1. januar. Kjelde: SSB, Kostra.

² Behov for barnehage viser summen av estimert tal på barn 1-2 år med barnehageplass i forhold til innbyggjar 1-2 år og estimert tal på barn 3-5 år med barnehageplass i forhold til innbyggjar 3-5 år etter alder basert på framskriven folkemengd 1. januar. 1-5 åringar er framskrivne ved hjelp av KOMPAS. Framskrivning av folkemengd vist i dei 3 alternativa; BP 2017-2020, MMMM 2018 og Redusert bustadbygging. Estimert dekningsgrad for 1-2 år og 3-5 år i planperioden er vist i tabell nr. 6

³ Barnehagekapasitet er basert på faktisk kapasitet som er utrekna på bakgrunn av godkjent leike- og opphaldsareal i kvar einiskild barnehage. Barnehagekapasiteten er kompensert med 5 prosent ettersom om lag 20 prosent ikkje etterspør heiltidsplass. 2020: 268 barnehageplassar pluss 5% (13 plassar) gjer 281 plassar.

Vigrestad, Stokkalandsmarka og Brusand

Ser me Vigrestad, Stokkalandsmarka og Brusand under eitt, er det god kapasitet i perioden.

Vigrestad barnehage blei opna i august 2018. Tre av fire barnehagar i sør er av nyare dato. Askeladden barnehage skal erstattast med nytt bygg på ny tomt.

Det er i gjeldande økonomiplan sett av totalt 44 mill. kroner til ein 6 avdelings barnehage på Brusand. Foreløpige kalkylar synar ein totalkostnad på rundt 42-43 mill. kroner. I desse tala ligg det inne rekkefølgjekrav på om lag 9 mill. kroner. Det er ønskeleg med store barnehagar, men grunna arealproblematikk tilrår rådmannen at det blir bygd ein 4 avdelings barnehage på tomta på Brusand. Den vil ha tilstrekkeleg kapasitet i lang tid framover. Arbeidet med planlegging av denne vil kunne starta så fort reguleringsplan for området er vedteken. Dette kan truleg verta gjort i 1. kvartal 2021, med ferdigstilling av barnehagen i 2023.

Som ein ser av figur 10 er barnehagebehovet på Brusand isolert sett relativt lite. Ser me kapasiteten til barnehagane på Vigrestad/Stokkalandsmarka og Brusand saman (i figur 11), ser me at ein 4 avdelings barnehage på Brusand vil dekkja behovet.



Vurdering av Ogna og Sirevåg

Framskriving av barnetal


Tabellen under viser framskriving av barnetala for Ogna og Sirevåg i aldersgruppene 1-2 år, 3-5 år og 1-5 år. Talet på barn går ned frå 90 1. januar 2020, til 70 1. januar 2025.

Tabell 13. Framskriving av barnetal på Ogna og Sirevåg (MMMM 2020)

01.jan	2020	2021	2022	2023	2024	2025	2026	2027	2028	2029
1-2 år	34	31	31	29	28	27	27	27	27	27
3-5 år	56	49	50	48	44	43	42	41	40	40
Totalsum	90	80	81	76	72	70	68	67	67	66

Figuren under viser at det samla er ein kapasitet på 78 barnehageplassar i Sirevåg (berre kommunale) eller 82 plassar kompensert med 5 prosent ettersom om lag 20 prosent ikkje etterspør heiltidsplass, mens framskrivinga av barnetal (MMMM 2020) viser at talet på barn som skal ha barnehageplass, baserte på dekningsgraden i tabell 6, går ned frå 77 per 1. januar 2020 til 61 per 1. januar 2025.

Figur 12. Barnehagedekning Ogna og Sirevåg



¹ Behov for barnehage viser summen av talet på barn 1-2 år med barnehageplass i forhold til innbygger 1-2 år og talet på barn 3-5 år med barnehageplass i forhold til innbygger 3-5 år etter alder 1. januar, Kjelde: SSB, Kostra

² Behov for barnehage viser summen av estimert tal på barn 1-2 år med barnehageplass i forhold til innbygger 1-2 år og estimert tal på barn 3-5 år med barnehageplass i forhold til innbygger 3-5 år etter alder basert på framskriven folkemengd 1. januar. 1-5 åringar er framskrivne ved hjelp av KOMPAS. Framskrivning av folkemengd vist i dei 3 alternativa; BP 2017-2020, MMMM 2018 og Redusert bustadbygging. Estimert dekningsgrad for 1-2 år og 3-5 år i planperioden er vist i tabell nr. 6.

³ Barnehagekapasitet er basert på faktisk kapasitet som er utrekna på bakgrunn av godkjent leike- og opphaldsareal i kvar einskild barnehage. Barnehagekapasiteten er kompensert med 5 prosent ettersom om lag 20 prosent ikkje etterspør heiltidsplass. 2018:78 barnehageplassar pluss 5% (4 plassar) gjer 82 plassar.

Situasjonen på Ogna og i Sirevåg

Det vil i lang tid framover være god kapasitet på barnehageplassar i denne delen av kommunen.

